



Inatsisartuni ilaasortaq Hans Enoksen, Partii Naleraq
/maani

Ineqarnermi pissutsit pillugit § 37 naapertorlugu apeqquteqaammut 2019-103-mut akissut

01-03-2019
Suliaq nr.: 2019 - 4851
Id nr. 38614356

Asasara Hans,

Inatsisartut suleriaasianni § 37 naapertorlugu ineqarnermi pissutsit pillugit Naalakkersuisunut apeqquteqaateqarputit. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1:

Naalakkersuisut tapertaasalu ineqarnermut pissutsit aaqqinniarlugit isumaqatigiinnikuupput. Suut anguniarneqarpat, qanoq anguniarneqarpat, sumullu killippa?

Akissut: Siusinnerusukku § 37 naapertorlugu apeqquteqaammi 2018-071-imi Naalakkersuisunit ilisimatitsissutigineqarpoq, ukiuni kingullerni ineqarnermik aaqqissuusseqqinneq ingerlanneqartoq. Tassalu inissianut aningaasalersuisarnermut inatsit nutaaq, piginneqatigiilluni inissianut inatsit nutaaq aamma illunut sanaqataaffiusunut taarsigassarsitiisarnermut inatsit nutaaq akuerineqareerpoq. Aamma attartortitsisarnermut inatsit nutaaq, "Namminersorlutik Oqartussat inissiaataannik attartortittakkanik kommuninut tunniussinissaq" pillugu suleqatigiissitamit inassuteqaatit naammasseriarpata saqqummiunneqartussatut naatsorsuutigineqartoq saqqummiunneqartussaavoq. Attartortitsinermut inatsisip nutaap kommunit qanittumik suleqatigalugit suliarineqarnissaa Naalakkersuisut pingaartippaat, inissianik aaqqissuusseqqinnermi tamarmiusumi aamma kommunit Namminersorlutik Oqartussat inissiaataannik attartortittakkanik tigusinissaat naatsorsuutigineqarmat.

Apeqqut 2:

Inuiaqatigiit pigisaanni najukkanut attartuinnermut akigitinneqartut apparnissaanut Naalakkersuisut tapertaasalu pilersaaruteqarpat?

Akissut: Apeqqut 1-imut akissut takuuk. Inissianik aaqqissuusseqqinnissamut suliat suli ingerlapput sulilu naammassinatik, taamaattumillu suleqatigiissitamit inassuteqaatit Naalakkersuisunit utaqqineqarput.

Apeqqut 3:

Inuiaqatigiit pigisaanni attartuinnermut akigitinneqartut, akiillu qaffakkiartorneri, naammaginartutut nalimmattutullu Naalakkersuisuniit isigineqarpat? Uani Naalakkersuisut isumaat apeqqutigineqarmat, Naalakkersuisut politikkitigut isummamik akeqquneqarput. Iliuseqarniartilluni pilersaarutit

**taakkartoqquneqarput, iliuseqannginnermilu politikikkut patsisit
ersarissaqquneqarput.**

Akissut: Inissiani attartortittakkani Namminersorlutik Oqartussanit pigineqartuni ineqarnermut akiliutit ukiorpassuarni qaffakkiartorsimanngillat, ineqarnermut akiliut nikisinneqarnikuunngimmat. Tamatuma kingunerisaanik inissiat naammaginatumik aserfallatsaaliorneqarnissaannut akissat naammakkunnaarsimallutik. Aammattaaq apeqqut 1-imut akissut takuuk, tassanilu suleqatigiissitamit inassuteqaatit suliarineqarnerat pineqarpoq.

Neriuppunga qulaani allaqqasuni apeqquteqaatit akineqartut.

Inussiarnersumik inuulluaqqusillunga



Karl Frederik Danielsen